



Rimnada sistemática da dretg communal dalla vischnaunca da Sagogn

Nummera **0120.01**

Tetel **Lescha da salarisaziun**

Ediziun Ediziun dils 24.11.2020

Revisiun dils 15.06.2016
Ediziun dils 21.08.2012
Ediziun dils 05.09.1991

Valeivel 01.01.2021

Remarcas preliminaras

Ord motivs da simplificaziun serefereschan indicaziuns da personas, funcziuns e mistregns en questa publicaziun uffiziala mintgamai sin tuttas schlatteinas, expriu sch'igl ei stipulau explicit zatgei auter.

Davosa correctura informala 10.03.2024 tras Thomas Candrian

Cuntegn

I. General	3
II. Conlucvrens	3
III. Funcziunaris - Fixums	4
IV. Funcziunaris - Indeminsaziuns	5
V. Divers	6
VI. Determinaziuns finalas	6

I. GENERAL

Intent

Art. 1

¹ Questa lescha da salarisaziun normescha la salarisaziun e l'indemnisaziun da tuttas autoritads e cumissiuns communalas sco era da tuts emploiai dalla vischnaunca.

II. CONLUVRERS

Persunal dalla vischnaunca

Art. 2

¹ Emploiai e luvrers da vischnaunca vegnan engaschai entras la suprastonza communal. Lezza fixescha a caschun digl engaschament l'altezia dalla salarisaziun.

² La suprastonza communal fixescha mintgamai alla fin digl onn l'altezia dalla indemnisaziun per igl onn proxim.

³ Persunal temporar vegn engaschus dalla suprastonza communal, la quala fixescha era la salarisaziun.

Reglement da persunal

Art. 3

¹ Per tut ils emploiai e luvrers dalla vischnaunca en piazza ferma vala il reglement da persunal dalla vischnaunca.

² La suprastonza relai il reglement da persunal.

³ Ils scolasts sutstattan oravontut allas prescripziuns dalla lescha da scola dil cantun Grischun ed il respectiv regulativ da pagas. Igl uorden da persunal dalla vischnaunca vala subsidiar.

III. FUNCZIUNARIS - FIXUMS

Principi**Art. 4**

¹ El fixum ein cumpri tuts engaschis che seresultan ord la preparaziun e deliberaziun dallas fatschentas ordinarias sco era la preparaziun dallas sesidas ed il menar talas dalla suprastonza, digl cussegl scola e da tuttas cummissiuns, era temporaras. Igl engaschi per il biro da votaziuns e las radunonzas communalas ein medemamein cumpri.

**Suprastonza
comunala****Art. 5**

¹ Ils commembers dalla suprastonza retrain il suandont fixum annual:

- a) Il president communal vegn indemnisaus fix cun 20% dil minimum dalla classa 20 dil cantun grischun. Ils onns da survetsch vegnan buca quintai.
- b) Auters commembers dalla suprastonza retscheivan fix frs. 5'000.-

**Cummissiuns ed
ulterius
funcziunaris****Art. 6**

Suandonts fixums vegnan pagai: ¹

- President cumissiun da baghegiar frs. 1'000.-
- President cumissiun sagognturisse frs. 1'000.-
- President cumissiun da gestiun frs. 500.-

¹ Addatau tenor decisiun dalla radunonza communal dils 03.12.2021

IV. FUNCZIUNARIS - INDEMINSAZIUNS

Principi

Art. 7

¹ Ils commembers dalla suprastonza, digl cussegl scola e da tuttas cumissiuns, era temporaras, vegnan indemnissai tenor suandonts artechels 8 – 10.

² Ils pumpiers vegnan sulet indemnissai tenor la lescha da pumpiers.

Daner da sesida

Art. 8

¹ Il daner per ina seduta ordinaria munta sin 70.-.

² Per uatgas, sedutas extraordinarias e representaziuns dalla vischnaunca ordeifer che cuozzan meins che duas uras vegn pagau il daner da seduta.

³ Surpassa il temps d'engaschi duas uras ed en tuts auters cass vegn indemnissau tenor artechel 9.

Schurnadas

Art. 9

¹ Las schurnadas muntan a frs. 30.- per ura.

² En cass extraordinaris sa la suprastonza communal a alzar las schurnadas per tochen 40%.

Spesas

Art. 10

¹ Il president retscheiva (per telefon, internet, biro, pintgas representaziuns enteifer la vischnaunca) ina pauscala da spesas da frs. 2'000.-, il suprastont ina da frs. 500.-.

² Per tut funcziunaris dalla vischnaunca tenor art. 7 valan las perscripziuns dil reglement da personal pertuccont spesas.

³ Vegnan spesas indemnissadas d'autras varts, astgan ellas buca vegnir quintadas aunc inagrada alla vischnaunca.

V. DIVERS

Protocollist

Art. 11

¹ Il protocollist dalla suprastanza, digl cussegl scola e da tuttas cumissiuns, era temporaras, obtegn ina indemnizaziun da frs. 50.- per protocol, aschinavon ch'il protocol vegn fatgs en survetsch accessori.

Lavur cumina

Art. 12

¹ L'indemnizaziun dalla lavur cumina munta a frs. 26.- per ura.

VI. DETERMINAZIUNS FINALAS

Quen

Art. 13

¹ Per lavurs, fixums, indemnizaziuns e spesas ei d'emplenir ora ils formulars da lavur ni da spesas dalla vischnauca. Igl ei da nudar la sparta administrativa, la lavur prestada e las uras.

² Il quen vegn controllaus e visaus dil cau dil departement responsabel, dil parsura dalla cumissiun corrispudenta, ni dil president communal.

³

⁴ Il formular per fixums, indemnizaziuns e spesas ha da vegnir inoltraus alla canzlia communal sil pli tard treis jamnas avon fin dil semester (30.06/31.12). El vegn pagaus ora tochen la fin dil meins.

Absenza dil post

Art. 14

¹ En cass ch'in funcziunari ei impediud da siu post per dapli che 60 gis sa il fixum vegnir pagaus pro rata a siu substitut.

Cass dispiteivels Art. 15

¹ En cass dispiteivels decida la suprastanza davart dall'indemnisaziun.

² Il recuors alla cumissiun da gestiun encunter talas decisiuns ei pusseivels.

Ulivaziun dalla carischia Art. 16

¹ L'ulivaziun dalla carischia succeda entras la suprastanza communal, aschigleiti ch'igl index nazional dils prezis da consum (basa december 2010 = 100 puncts) semida per pli che 10 puncts.

Entrada en vigur Art. 17

¹ Questa lescha passa en vigur naven d'igl emprend da schaner 2021.

² Cun l'entrada en vigur da questa lescha ein tuttas disposiziuns dil dretg communal che stattan en cuntradicziun cun ella abrogadas.

Ediziun approvada dalla Suprastanza communal als	-
Ediziun approvada dalla Radunonza communal als	11.12.2020
Ediziun approvada dalla Regenza dil cantun GR als	-